

# **Landesbibliothek Oldenburg**

**Digitalisierung von Drucken**

## **Ivs Comitiorvm S.R.G.I. In Interregno**

**Ayrer, Georg Heinrich  
Strube, Julius Melchior**

**Gottingae, [1746?]**

**VD18 1276969X**

XVI. Habendorvm Comitiorvm Forma Strictim Exponitvr.

**urn:nbn:de:gbv:45:1-17499**

## XVI. HABENDORVM COMITIORVM FORMA STRICTIM EXPONITVR.

EXPLICATIS his, quae de continuandis per interregna comitiis agitata sunt, consequens est, ut, quo tandem apto satis modo, quod praecipue in quaestionem venit, habenda haec Comitia sint, doceamus. Hic primum illud non obscurum est; quia vtraque Comitia & quae viuo celebrantur Imperatore, & quae post eius mortem conuocanda esse diximus, eundem finem habent, iurium nimirum maiestaticorum exercitium; formam quoque vtrorumque ad eum obtinendum aptam esse debere. Cuius generis, an relicta ordinaria, excogitari possit alia, vehementer dubito. Quare, ut totum interregnum, ad regnum; ita Comitia eo tempore celebranda, quantum fieri potest, ad eorum formam, quae viuo aguntur Imperatore, ordinanda sunt. Eum enim consultandi & decernendi modum, quem conditores Imperii optimum iudicarunt, cur improbarent mortuo Imperatore? Quominus tamen plane eadem in iis forma obtineat, ipsa interregni natura prohibet. Quae differentiae, inter vtraque intercedentes, ut penitus intel-



ligantur, varias illas Comitialis formae partes, ad duo capita reuocabimus, quorum alterum ad imperiale munus, alterum ad ordinum consultationes pertineat. Comitiale Imperatoris munus duplicis iterum generis est, vnum quasi *rectorium* a), h. e. quod Imperatori ob dignitatem quidem suam tributum est, eo tamen potissimum consilio, vt ordinate omnia gerantur, quodque ideo etiam sine summa potestate exerceri potest; alterum maiestaticum, h. e. maiestati ita iunctum, vt sine ea exerceri non possit. Horum posterius Vicariis in Interregno tribui non potest, quod maiestate carent; prius ob vicariatus prouisionisque Imperii generalem formulam, recte a Vicariis in Comitibus administratur b). Deinde circa ordinum quoque consultationes distinctio adhibenda est. In omni enim populi vel procerum conuentu, quaedam ordinis solum caussa pro arbitrio constituuntur; reliqua ex necessitate iuris, quod id priuilegium certae personae,

a) Placuit haec denominatio Reuerendissimo Bambergensi Episcopo vid. *Geschichte des Interregni To. I. p. 428.* qui munus Imperatoris *Maiestaticum*, Viciorum *rectorium* dicit. Contra apud Illustrum MOSERVM, *Teutsches*

*Staats-Recht To. VIII. p. 31. rectoria*, Caesaris, *directoria* Viciorum potestas audit.

b) v. Illustris viri C. G. BVDE-RI, *plenas amoenissimae doctrinae iuris publici amoenitates p. 108. 109.*



sonae, aut ordini tributum fit, saluaque si in interregno reip. forma esse debeat, tum haec aliter ordinari non possint. Illa, volentibus id plurimis in Comitibus per interregna habendis, aliter, quam antea, constitui possunt; haec quod ex necessitate ita sint, mutationem aliquam non admittunt. Eadem nostrorum Comitiorum ratio est; nisi quod tota exercendae maiestatis forma, cuius gratia Comitiae conuocantur, non arbitrariis apud nos constitutionibus, sed legibus *Pachts- und Gedingsweise* conditis, *a)* & illo, nostrae libertatis palladio, Pace nitatur Westphalica. Ex quo id efficitur, vt, quae illarum beneficio statuta, & personis ordinibusque quibusdam concessa sunt, non eo, quo leges abrogantur, modo aboleri possint, sed hinc ius nonnullis oriatur quaesitum, quod eripi illis, neque per maioris quidem partis voluntatem, potest. Huius generis est illud ius singularis collegii, Electoribus tributum, illa principum eminentia, qua vnus principis voluntas tantum potest, quam scanni Comitum coniuncta opinio & quae sunt similia. Quae omnia in nullo de salute

*a)* de hac legum nostrarum natura vide D. H. KEMMERICH *Introl. in Ius Publ. L. II. cap. I. §. 2. p. 300. Vol. I.*



lute publica instituto conuentu saluo iure aliter ordinari possunt. Sed horum principiorum, ordinis potissimum caussa vno tenore expositorum, & sensus & veritas, per partes eundo facilius, credo, perspicietur.

**XVII. DE INDICTIONE COMITIORVM. EAM AD VICARIOS PERTINERE ARGVMENTIS EX INDOLE VICARIAE POTESTATIS DESVMTIS PROBATVR. DE OBSERVANTIA.**

PARS Caesarei in comitiis ordinandis muneris prima est indictio Comitiorum. Haec igitur ad Vicarios an pertineat, primo statim loco, & praecipua cum cura videndum est; tum quod nulla magis quaestio per interregna agitata sit, tum quod tota haec nostra dissertatio eo imprimis tendat, vt concessam Vicariis nouissima capitulatione comitiorum indictmentem defendamus. Equidem vt Vicariis indicendorum comitiorum potestatem tribuamus, sola salus suadere Imperii poterat, quae per periculosa interregnorum tempora sine comitiis saepe obtineri non potest (§. XI). Illud autem exspectandum non est,

vt